

家禮乾

卷二



丁丑十月  
予以前寓人書于此

衣印

家禮之全圖

合六張

名子

家禮



家廟之圖

家禮圖





# 祠堂之圖

廚神庫器祭物衣書遺

祭

妣考

祖妣

祖考

曾祖妣

曾祖考

高祖妣

高祖考

香案

品

品

酒

主人拜位  
主婦拜位

匱

昨

昨

香案

昨

中梁

中梁

諸父諸母

諸父諸母

諸兄弟

諸兄弟

諸子

諸子

外

內

綴圖

綴圖



# 衣前圖

拾  
緣  
廣  
二  
寸  
音



袷袖口也尺有二寸圍之則二尺有寸緣廣寸半

袷縫合此處謂之續在袖邊

裳前後共十二幅

裳緣廣寸半與袷同

續在袖邊

裳

音



# 深衣後圖



齊倍要通前後為一丈四尺四寸



# 圖掩相襟兩前衣案著

曲  
袷  
也領交





# 裁衣前法 裁衣後法


正身二尺二寸	中綴領處斜	長四寸底綴	裳相接處平	正便於著也
四	寸	寸	寸	寸

正身二尺二寸	中負綴處斜	長一寸而綴	裳相接則著	持腰用綴痕	平正
寸	寸	寸	寸	寸	寸

曲裾 裁制

闊一尺四寸  
除兩旁各一寸縫外實用一尺二寸  
除兩旁各一寸縫外實用一尺四寸  
闊一尺四寸

曲裾 成制




曲裾 縫制





# 察衣冠



玉藻云天子素帶朱裏終辟諸侯素  
 帶終辟大夫素帶辟無紐云大夫辟  
 也辟緣也充辟謂盡緣之也紐兩耳  
 也天子以素為帶以朱為裏從腰後  
 至紳皆緣之也諸侯亦然但不朱裏  
 耳大夫緣其兩耳及紳腰後則不緣  
 也士惟緣其紳腰及兩耳皆不緣也  
 糊紙為之武高寸許廣三寸表四寸  
 上為五梁廣如武之表長八寸跨  
 頂前後下著於武屈其兩端各半寸  
 自外向內而黑漆之武之兩旁半寸  
 之上竅以受笄笄用齒骨凡白物  
 王普制度云縹布冠用烏紗漆為  
 不如紙尤堅硬

充竟也



# 履之圖



用黑緇六尺許<sub>五</sub>屈之右邊就屈處  
 爲橫帆左邊反屈之自帆左四五寸  
 間斜縫向左圓曲而下遂循左邊至  
 于兩末復反所縫餘緇使之向裏以  
 帆當額前裏之至兩耳旁各綴一帶  
 廣二寸長二尺自巾外過頂後相結  
 而無之<sub>五</sub>  
 深衣用白履狀如今之履約音劬  
 總音益純音準綦音忌四者以緇  
 約者謂履頭屈修或緇爲鼻總者  
 縫中糾音旬也純謂履口緣也綦  
 所以繫履也或用黑履白純禮亦  
 宜然<sub>五</sub>

修當作  
 修

項當作  
 項



# 冠

# 弁

筵于東序少北此冠義所謂冠於阼也少北者主人位在東序端辟主人也

將冠者

采履 勒帛 四襪 衫

冠者適房

房

冠者適房 初服深衣 三服公服 無官者用爛衫

酒送 國強

履 韋帶 韠 裳 公服

冠者


出房 南面

冠者 替者 擯 盥 脯

難同視 如三 儀加

執冠 冠 三

階 阼



降 三 階

洗 賓 僕 親 大

主人 揖 賓 揖



# 禮

# 圖

## 堂

記云適子冠於  
阼以著代也疾  
子不於阼而冠  
於房外南面非  
代故也起云醮  
於客位嘉有成  
也是適子於客  
位也而尊之此  
則成而不尊故  
因冠之慶遂醮焉

筵于堂少西堂西乃賓客之位此冠義所謂醴於客  
位也賈疏云必以西為客位者地道尊右故也

衆子冠位醮仍席

堂

連

門

大門

冠者  
拜升  
受酒  
祭啐  
降拜


脯醢醢

長子醮位

無何始

階

西



冠者對降

揖

三讓

賓東向答拜  
贊者報揖主人

贊者升

贊者升

贊者升



圖之迎親禮








圖 櫨 簞 筭 篋 盤 衿


篋




筭




盤 衿



櫨



櫨






# 小斂圖襲含哭


陳小斂衣

行尊丈夫


掉




衾



人主  
哭尸  
憑髮若



掉



人主  
哭尸  
憑髮若

人主

奠

悼

小斂先布紋之橫者三於尸  
次布於紋之縱者一於其上  
衣於衾之上然後遷尸其上  
舒絹疊衣以藉其首卷兩端  
以補兩眉空處又卷衣夾其  
兩脰以餘衣掩刀左衽裏之  
以衾別又以衾覆之俟將大  
斂然後去覆衾而結絞先結  
縱者後結橫者

悅巾

新拭巾  
潔滌盆  
盥盆

掉

盥盆

掉

衣襲陳

之汗衣一冒  
帛深履中二日殺  
枵帶帛幅二日上日  
類衫大目帛充二下



位之圖大斂圖

婦女尊行

主婦 衆婦女

同姓婦女以服爲次

尸覆之  
以衾

施倚龜棹

歸

營

異姓婦女

卷一

迷中一

一、

鐵三寶子  
米寶子枕

年

朱

靈

偉

一絞縱

衾

縱紋一

銘旌

卷之四

銘旌

海

齊

大欵先布絞之橫者五於棺中次布絞之縱者於其上次布衾之有綿者於其上各垂其裔於四外然後遷尸其中又揣其空闕處卷衣塞之務令充實以衾先掩足次掩首次掩左次掩右結絞先結縱者次結橫者

陳太師飲衣


衣無常要  
衾用綿  
昔




# 服

# 喪

裁衽之圖  
兩衽相疊之圖




裳制





後幅四 前幅三

反 摺 向 前 圖



裁 領 四 寸 圖




別用布橫長一  
去此反摺  
不用  
四寸  
為左  
中闊  
右適  
適



# 圖式


加領於衣前圖



前袂後負版左右適惟子為父母用

縫合其下一尺留上一尺二寸為袖口

加領於衣後圖



之其餘不用者不裁開中當如常式



# 冠

# 經

# 絞

朱子前經在本在  
上有大舍各圖謹叙  
書

士喪禮疏曰麻在首在腰皆曰經分而言之首曰經腰曰帶○問經帶之制  
朱先生曰首經大一搯只是拇指與第二指一圍腰經較小絞帶又小於腰  
經腰經象大帶兩頭長垂下絞帶象革帶二頭有強子以頭串於中而束之


## 斬衰冠



## 大功冠

晉同  
齊衰  
小功冠  
三辟積向左  
餘與齊衰同

## 斬衰首經




## 齊衰冠



## 總麻冠

漢總麻廣同小  
功餘與齊衰同

## 齊衰首經





# 帶式圖

斬衰

至大

功初

皆散

垂至

成服

乃絞


其絞結處兩旁各綴細繩般之

散垂

散垂

用麻

斬衰



小功

以下


結本

不散

垂

結本


結本



齊衰

以下

用布




朱先生曰首經右本在上者齊衰經之制以麻根處著頭右邊而從額前向左圍向頭後却就右邊元麻根處相接以麻尾藏在麻根之下麻根搭在麻尾之上有纓者以其加於冠外須著纓方不脫落也



# 斬衰杖履圖

履 管



杖 苴



器

祭

喪

簣



苞





# 齊衰杖履圖

履 疏



杖 削



圖


之

具

如撮蕉  
其先惟  
慢四角  
沅蘇

格 竹

以竹為  
格以線  
結之上







# 喪

# 輦

喪大記君飾棺黻翼二翬翼二畫翼二皆戴圭大夫士戴綬註  
車行持之以璋車既窆樹於壙中障柩尺度畫制戴本章註



兩長杠上加伏兔附杠  
處為員輦  
別作小方牀載柩  
旁立兩柱柱外施員  
初入輦中長出其外





# 圖

# 之

兩柱道上更為方柄  
加橫扁


扁兩頭出柱外者更

加小扁

杠兩頭施橫杠

橫杠上施短杠

短杠更加小杠



御車之制具見三家禮圖及書儀註中然書儀云今  
既難備略設帷幌花頭等不必繁華高大今家禮從  
俗為輦且為竹格已有其制用以作圖易御車云



服期

喪服不杖期者

為人後者為其

父母報疏言報

出既除抑之也

同本疏往來相

報之法如也既

曰是末有兼用

本生父母之方

之也名當如兄

弟之子報不

杖期也

凡出家為尼

降一木而已

家祧圖為姑

降二木乃為

也此但此一條

而相姑小功而

圖則總麻此

數三條當後

文降一木

之誤

# 本宗五

嫡孫父卒為祖若

曾高祖承重者斬

衰三年為祖母曾

高祖母承重者齊

衰三年

三從

兄弟

妻無

再從

兄弟

妻無

再從

兄弟

妻無

再從

兄弟

妻無

再從

兄弟

妻無

凡男為人後者為

其私親皆降一等

惟本生父母降服

不杖期申心喪三

年其本生父母亦

為之降服不杖期

總麻

從姪孫

婦無

小功

姪孫

曾姪孫

婦無

總麻

曾孫

玄孫

總麻

曾姪孫

婦無

總麻

曾孫

玄孫

總麻

曾姪孫

婦無

總麻

曾孫

玄孫

總麻

曾姪孫

婦無

總麻

曾孫

玄孫



山外之  
有之

凡女適人者爲其  
私親皆降一等惟  
祖及曾高祖不降  
爲兄弟之爲父後  
者不降爲兄弟姪  
之妻不降



# 三父八母

繼

同居繼父  
父子皆無大功以上  
親乃義服  
不杖期  
不同居謂母  
先隨母嫁  
繼父同居  
後異或雖  
同居而繼

母

嫡

妾生子謂  
父正室曰  
嫡母正服  
齊衰三年  
母媼嫡子  
亦報服○  
為衆子則  
服不杖期  
○庶子為  
嫡母之父  
母兄弟姊  
妹小功母  
死不服

庶

謂父妾之  
有子者衆  
子謂之義  
服總麻○  
士之庶子  
為其母齊  
衰三年為  
父後則降  
○庶子為  
父後者為  
其母總而  
為其母之  
父母兄弟  
姊妹則無  
服○庶子  
之子為父  
之母不杖

乳

母

慈

謂庶子  
無母而  
父命他  
妾之無  
子者慈  
己也同出  
親母義  
服齊衰  
三年不  
命則小  
功

母

出

謂被父離并  
降服杖期母  
為子降服不  
杖期○子為  
父後者則不  
服○女適人  
為出母乃降  
服大功母為  
女亦報服



# 服制之圖

父有子已  
有大功已  
上親服齊  
衰三月  
元不同居  
則無服  
附異父同  
母之兄  
姊妹各服  
小功五月

謂父再娶之  
母義服齊衰  
三年○繼母  
為長子報服  
齊衰三年○  
為衆子乃服  
不杖期○繼  
母出則無服  
○若父卒繼  
母嫁而已從  
之乃服杖期  
繼母報服不  
杖期○母出  
為繼母之兄  
弟姊妹小功

期而為祖  
後則無服  
○庶母為  
其子為君  
之衆子齊  
衰不杖期  
○為君之  
長子齊衰  
三年○妾  
為君斬衰  
三年○為  
女君為其  
父母不杖  
期○庶母  
慈已者謂  
自小乳養  
已者義服  
小功

謂小乳  
哺曰乳  
母義服  
總麻  
謂養同  
宗及三  
歲以下  
遺棄之  
子者與  
親母同  
正服齊  
衰三年

謂父亡母再  
嫁降服杖期  
母為子乃服  
不杖期○丈  
子已適人者  
乃服大功母  
為女報服○  
子為父後者  
不服○前夫  
之子已嫁  
者服不杖期







# 外族母黨妻黨服圖

<p>婦人為夫外 外祖父母 祖父母總麻</p>	<p>母之兄弟婦人 舅 為夫之舅總麻 妻亡別娶亦同妻 妻父母 親母雖嫁出猶服 母之姊妹婦人 從母 為夫從母總麻</p>	
<p>姑之子曰 外兄弟 舅姑 之子 舅之子曰 內兄弟 己身 兩姨兄弟 姊妹謂從 從母 之子 母之子也</p>		
<p>姊妹之 甥女 曰甥女</p>		<p>姊妹之 甥婦總麻 子曰甥</p>
<p>女之子也 外孫 婦服並同</p>		




五禮山曰王与  
顯皆明也

# 神主式


禮經及家禮舊本於高祖考上皆用皇字大  
德年間省部禁止回避皇字今用顯可也

全式



分式

三分之一居前



朱子曰無爵曰府君  
夫子漢人碑已有府君是  
尊神之稱府君如  
官府之君或謂之  
明府今人尤謂父  
之家府也


封孔子玄聖王  
改至聖以玄  
字肥聖祖諱  
也朱子曰今人  
諱多矣  
元甚也

伊川先生云作主用  
栗取法於時日月辰  
趺方四寸象歲之四  
時高尺有二寸象十  
二月身博三十分象  
月之日厚十二分象  
日之辰身趺皆厚刻  
上五分為圓首寸之  
下勒前為額而判之  
一居前二居後前四  
分陷中以書爵姓名



後

連領三分之一居後



跌式



方四寸

厚二分

行書曰故某官某公諱某字某第幾神主  
 中長六寸合之植於  
 跌身出跌上一寸八分  
 竅其旁以通中如  
 身厚三之一經謂四  
 分居二分之一上謂  
 寺二粉塗其前以書  
 屬稱屬謂高曾祖考  
 如處士秀才旁題主  
 幾郎幾公  
 祀之名曰孝子加贈  
 易世則筆滌而更之  
 水以灑  
 外改中不改

曲紀曰父生曰父  
 母死曰母妣  
 考成也妣成也

倘同七十志而傳則嫡  
 子嫡孫若如此則而中  
 神主都同改後作嫡  
 子嫡孫各舉就姓父  
 母嫡在於心要手朱  
 子以此此亦事難行  
 也且得窮親身以  
 同嫡孫主準則便順  
 祀古世七世祖主自嫡  
 孫言之則常祀若叔  
 祖尚在則乃其祀高  
 曾祖於心要手朱主



朱子大全李  
虎口書云考  
用紫囊此用  
制而何其制  
本出

馮氏集說曰  
古人重紫輕  
紙如有此分  
小圖期玄  
紫囊不可  
用賴用紅  
常通用之


尚紫非古乃  
唐俗也而先  
後用之其後  
風俗所

# 積韜藉式

按書儀云版下有跌韜之以囊藉之以褥府君夫人  
共為一匣而無其式今以見於司馬家廟者圖之

面頂俱虛

## 坐式




底蓋  
闊厚  
出今  
受蓋

平頂

四向直下正闊旁狹

## 蓋式






蓋座皆  
以黑漆  
飾之

程先生木主之制取象  
甚精可以為萬世法然  
用其制者多失其真往  
往不攷用尺之長短故  
也蓋周尺當今省尺七  
寸五分弱而程氏文集  
與溫公書儀多誤註為  
五寸五分弱而所謂省  
尺者亦莫知其為何尺  
時舉舊嘗質之晦翁先  
生答云省尺乃是京尺



韜式

韜縫式



式如斗  
帳合縫  
居後之  
中稍留  
其末頂  
用薄板  
自上而  
下韜之  
與主身  
齊

方闊與檣內同疊  
布加厚裹之以帛  
考紫妣緋囊亦如  
之

溫公有圖子所謂三司  
布帛尺者是也繼從會  
稽司馬侍郎家求得此  
圖其間有古尺數等周  
尺居其右三司布帛尺  
居其左以周尺校之市  
帛尺正是七寸五分弱  
於是造主之制始定今  
不敢自隱因圖主式及  
二尺長短而著伊川之  
說於其旁庶幾用其制  
者可以曉然無惑也嘉  
定癸酉季秋乙卯臨海  
潘時舉仲善父識



# 式 櫝

直四頂平



下作平底臺座  
天

前作兩窓啓閉  
天



# 尺式

家範圖

當今省尺五寸五分弱

古	一
尺	一
	一
	一
	一
	一
	一
	一
	一
	一
	一

當三司布帛尺七寸五分弱當浙尺八寸四分

周	一
尺	一
	一
	一
	一
	一
	一
	一
	一
	一
	一

神主用周尺亦見南軒家所刻本

三司布帛尺

比上周尺更加三寸四分

即是省尺又名京尺當周尺一尺三寸四分當浙尺一尺一寸三分  
右司馬公家石刻本



# 大 宗 小 宗 圖

身事五宗

無大宗則事四宗

繼禰 小宗

繼祖 小宗

繼曾祖 小宗

繼高祖 小宗

祖

禰

曾祖

高祖

別子

繼別 大宗

有世適

諸侯 諸侯

世為護




劉氏纂孫曰呂汲公家祭儀曰古者小宗有四有繼禰之宗繼祖之宗繼曾祖之宗繼高祖之宗所以主祭祀而統族人後世宗法既廢散無所統祭祀之禮家自行之支子不能不祭祭不必告於宗子今宗法雖未易復而宗子主祭之儀略可舉行宗子爲士庶子爲大夫以上牲祭於宗子之家故今議家廟雖因支子而立亦宗子主其祭而用其支子命數所得之禮可合禮意○先生曰祭祀須是用宗子法方不亂不然前面必有不可處置者○父在主祭子出仕宦不得祭父後宗子主祭庶子出仕宦祭時其禮亦合減殺不得同宗子○宗子只得立適雖庶長立不得若無適子則亦立庶子所謂世子之同母弟世子是適若世子死則立世子之親弟亦是次適也是庶子不得立也○大宗法既立不得亦當立小宗法祭自高祖以下親盡則請出高祖就伯叔位服未盡者祭之嫂則別處後其子私祭之今世禮全亂了




總小註今之額領帶  
 如今之額巾但以黑帶力  
 詳不設床布席於  
 席地而地之謂耶  
 丈未婦人設食於他時依長幼而  
 男於左女於右  
 夫未婦人男女各而  
 幼子則男女同食于一

耶處

# 時祭之圖









耶處

總

小註今之額領帶、  
如今之綢巾但以黑帶為

丈夫婦人各設食於他所依長幼而坐

依長幼

詳


席地而坐

不設床布席於地之謂耶

男子坐於左女子坐於右

丈夫婦人男女各兩而  
幼子則男女同食于一








正寢時祭之圖  
 祭時寢正之圖  
 祭時寢正之圖

# 正寢時祭之圖



香案  
茅沙

爵

香匙火筋  
 湯瓶火爐  
 主尊  
 祝版

酒注  
 盞盤  
 受昨盤  
 酒架  
 玄酒架



主位  
 受昨  
 主尊

卓

受昨

受昨

卓



陳饌大牀  
 巾盆  
 巾架盆臺



每位設饌之圖

家禮圖終

妣位

考位

果	果	果	果	果	果	果	果
疏	疏	疏	疏	疏	疏	疏	疏
菜	菜	菜	菜	菜	菜	菜	菜
醋	醋	醋	醋	醋	醋	醋	醋
魚	魚	魚	魚	魚	魚	魚	魚
肝	肝	肝	肝	肝	肝	肝	肝
飯	飯	飯	飯	飯	飯	飯	飯

果	果	果	果	蔬	蔬	米	食
果	果	果	果	脯	脯	魚	肝
果	果	果	果	醃	醃	肉	食
果	果	果	果	醃	醃	麪	食
果	果	果	果	醃	醃	飯	飯



# 家禮序

晦庵朱先生

凡禮有本有文自其施於家者言之則名分之守愛  
敬之實其本也冠昏喪祭儀章度數者其文也其本  
者有家日用之常體固不可以一日而不脩其文又  
皆所以紀綱人道之始終雖其行之有時施之有所  
然非講之素明習之素熟則其臨事之際亦無以合  
宜而應節是亦不可一日而不講且習焉者也三代  
之際禮經備矣然其存於今者宮廬器服之制出入  
起居之節皆已不宜於世世之君子雖或酌以古今



寔謂無財可  
以爲恥貧謂無  
財可忍以修

敷大生  
作敦

朱子曰謹  
九喪盡其  
過盡其  
誠

之變更ツ爲一時之法ホ然亦或詳或略無所折衷ホ至或遺其本而務其末ホ緩於實而急於文ホ自有志好禮之士ホ猶或不能舉其要ホ而困於貧窶者尤患其終不能ホ有以及於禮也ホ熹之愚蓋兩病焉是以嘗獨究觀古今之籍ホ因其大體之不可變者而以加損益於其間以爲一家之書ホ大抵謹名分ホ崇愛敬ホ以爲之本ホ至其施行之際ホ則又略浮文ホ敷本實ホ以竊自附於孔子從先進之遺意ホ誠願得與同志之士ホ熟講而勉行之庶幾古人所以脩身齊家之道ホ謹終追遠之心ホ猶可以復見ホ而於國家所以崇化道ホ寸民之意ホ亦或有小補云



楊復鄉  
信齋  
朱子儀禮  
理傳通解  
脫蒙於黃  
勉齋楊  
信齋先生

楊氏復曰。先生服母喪。參酌古今。咸盡其變。因成喪葬祭禮。又推之於冠昏。名曰家禮。既成。爲一童。行竊之以逃。先生易簪。其書始出行於世。今按先生所定家鄉邦國王朝禮。專以儀禮爲經。及自述家禮。則又通之以古今之宜。故冠禮則多取司馬氏。昏禮則參諸司馬氏。程氏。喪禮則本之司馬氏。後又以高氏爲最善。及論祔遷則取橫渠遺命。治喪則以書儀疎略。而用儀禮祭禮兼用司馬氏。程氏。而先後所見又有不同。卽祠則以韓魏公所行者爲法。若夫明大宗小宗之法。以寓愛禮存羊之意。此又家禮之大義。所繫蓋諸書所未暇及。而先生於此尤拳拳也。惜其書既亡。至先生沒而後出。不及再脩。以幸萬世。於是竊取先生平日去取折衷之言。有以發明家禮之意者。若昏禮親迎。用溫公入門以後。則從伊川之類。是也。有後來議論始定。若祭禮祭始。粗初祖而後不祭之類。是也。有不用疏家之說。若深衣續衽鉤邊是也。有用先儒舊義與經傳不同。若喪服辟領婦人不杖之類。是也。凡此悉附於逐條之下云。







會通曰通上通下皆新也曰通此篇專言祠堂之制齊魯祭皆於祠堂也謂之通祀

祠堂名

# 家禮卷第一

通禮

此篇所著皆所謂有家日用之常體不可一日而不修者

祠堂

此章本合在祭禮篇今以報本反始之心尊祖敬宗之意實有家名分之守所以開業傳世之本也故特著此冠于篇端使覽者知所以先立乎其大者而凡後篇所以周旋升降出入向背之曲折亦有所據以攷焉然古之



廟制不見於經且今士庶人之賤亦有所不得爲者故特以祠堂名之而其制度亦多用

俗禮云

司馬溫公曰宋仁宗時嘗詔聽太子少傅以上皆立家廟而有司終不爲之定制度惟文潞公立廟於西東他人皆莫之立故今但以影堂言之○朱子曰古命士得立家廟家廟之制內立寢廟中立正廟外立門四面墻圍之非命上止祭於堂上只祭於此伊川謂無貴賤皆祭自高祖而下但陰有豐殺疎數不同廟向南坐皆東嚮伊川於此不審乃云廟皆東嚮祖先位面東自廳側直入其所又轉面西入廟中其制非是古人所以廟面東向坐者蓋戶在東牖在西坐於一處是與處也○嘗欲立一家廟小五架屋以後架作一長龕堂以板隔截作四龕堂堂置位牌堂外用簾子



程子曰若用影須無一毫差  
方可若多一毫影便不是

別人

近思錄伊川謂影若  
有一髮一毫不是  
不可以為父之影  
亦不可用也

小小祭祀時亦可只就其處大祭祀則請  
出或堂或聽上皆可○唐大臣皆立廟於  
京師宋朝惟文潞公法唐杜佑制立一廟  
在西京雖如韓司馬家亦不曾立廟杜佑  
廟祖宗時尚在長安○劉氏堦孫曰伊川  
先生云古者庶人祭於寢士大夫祭於廟  
庶人無廟可立影堂今文公先生乃曰祠  
堂者蓋以伊川先生謂祭時不可用影故  
改影堂曰  
祠堂云

君子將營宮室先立祠堂於正寢之東

祠堂之制三間外為中門中門外為兩階皆三級

東曰阼階西曰西階階下隨地廣狹以屋覆之令

可容家衆叙立又為遺書衣物祭器庫及神厨於

其東繚以周垣別為外門常加局閉若家貧地狹



朱子曰鬼神在  
此心之理誠則有  
其神無誠則無  
其神多  
祭儀註曰左陰  
也地通左陽也  
右社稷左陽也  
人道必以左為  
尊於人道不無  
親之意也必以

則止立一間。不立廚庫而東西壁下置立兩櫃西  
藏遺書衣物東藏祭器亦可正寢謂前堂也地狹  
則於廳事之東亦可。凡祠堂所在之宅宗子世守  
之不得分析。○凡屋之制不問何向背但以前為  
南後為北左為東右為西後皆放此。  
為四龕以奉先世神主。

祠堂之內以近北一架為四龕每龕內置一卓大  
宗及繼高祖之小宗則高祖居西曾祖次之祖次  
之父次之繼會祖之小宗則不敢祭高祖而虛其  
西龕一繼祖之小宗則不敢祭曾祖而虛其西龕



程子曰凡言宗  
者曰宗祀為三言  
人宗於此而宗祀  
也朱子曰子孫  
是祖先之氣  
盡其誠敬則  
亦能呼召得若  
題紙榜紙等  
於諸子之家甚  
不可也

及前圖  
二字古  
本作治  
義章

二繼禰之小宗則不敢祭祖而虛其西龕三若大  
宗世數未滿則亦虛其西龕如小宗之制神主皆  
藏於櫝中置於卓上南向龕外各垂小簾簾外設  
香卓於堂中置香爐香盒於其上兩階之間又設  
香卓亦如之非嫡長子則不敢祭其父若與嫡長  
同居則死而後其子孫為立祠堂於私室且隨所  
繼世數為龕俟其出而異居乃備其制若生而異  
居則預於其地立齋以居如祠堂之制死則因以  
為祠堂○主式見喪禮及前圖

程子曰。管攝天下人心。收宗族。厚風俗。使人不  
忘本。須是明譜系。收世族。立宗子法。宗子法壞。



則人不知來處。以至流轉四方。往往親未絕。不相識。又曰。今無宗子。故朝廷無世臣。若立宗子。法則人知尊祖重本。人既重本。則朝廷之勢自尊。古者子弟從父兄。今父兄從子弟。由不知本也。○宗子法廢。後世譜牒尚有遺風。譜牒又廢。人家不知來處。無百年之家。骨肉無統。雖至親恩亦薄。○張子曰。宗法若立。則人各知來處。朝廷大有益。或問朝廷何所益。曰。公卿各保其家。忠義豈有不立。忠義既立。朝廷豈有不固。○或司馬溫公曰。所以西上者。神道尚右故也。○或問廟主自西而列。朱子曰。此也不是古禮。○問諸侯廟制。太祖居北而南向。昭廟二在其東南。穆廟二在其西南。皆南北相重。不知當時每廟一室。或共一室。各爲位也。曰。古廟制自太祖而下。各是一室。陸農師禮象圖可考。西漢時高祖廟。文帝願成廟。各在一處。但無法度。不同一處。至東漢明帝謙。不敢自當立廟。附於光武廟。其後遂以爲例。至唐太廟及群臣家廟悉如今制。以西爲上也。至禰處謂之東廟。今太廟之制亦然。○大傳云。別子爲祖。繼別爲宗。繼禰者爲



小宗。有百世不遷之宗。有五世即遷之宗。何也。君適長為世子。繼先君正統。自母弟以下皆不得宗。其次適為別子。不得禰其父。又不可宗嗣君。又不可無統屬。故死後立為大宗之祖。所謂別子為祖也。其適子繼之。則為大宗。直下相傳。百世不遷。別子若有庶子。又不敢禰別子。死後立為小宗之祖。其長子繼之。則為小宗。五世則遷。別子者。謂諸侯之弟。別於正適。故稱別子也。為祖者。自與後世為始祖。謂此別子子子。如大夫立此別子為始祖也。繼別為宗。謂別子之世世長子。當繼別子。與族人為不遷之宗也。繼禰者為小宗。禰謂別子之庶子。以庶子所生。長子繼此庶子。與兄弟為小宗也。五世則遷者。上從高祖。下至玄孫之子。高祖廟毀。不復相宗。又別立宗也。然別子之後。族人衆多。或繼高祖者。與三從兄弟為宗。至子五世。或繼曾祖者。與再從兄弟為宗。至孫五世。或繼祖者。與同堂兄弟為宗。至曾孫五世。或繼禰者。與親兄弟為宗。至玄孫五世。皆自小宗之祖以降而言也。魯季友乃桓公別子所自出。故為一族之大宗。滕文之



有

昭武王爲天子。以次則周公爲長。故滕謂魯爲宗國。又有大宗而無小宗者。皆適則不立小宗也。有有小宗而無大宗者。無適則不立大宗也。今法長子死。則主父喪。用次子不用姪。若宗子法立。則用長子之子。○楊氏復曰。先生云。人家族衆。或主祭者。不可以祭及叔伯父之類。則復令其嗣子。別得祭之。今且說同居同出於曾祖。便有從兄弟。及再從兄弟。祭時主於主祭者。其他或子不得祭其父母。若恁地衰做一處祭。不得要好。則主祭之嫡孫。當一日祭其曾祖及祖。及父。餘子孫與祭。次日却令次位子孫自祭其父。此却祖及父。又次日却令次位子孫自祭其父。此却有古宗法意。古今祭禮。這般處皆有之。今要如宗法祭祀之禮。須是在上之家。先就宗室。及世族家行之。做箇樣子。方可使以下士大夫行之。○排祖先時。以客位西邊爲上。高祖第一。高祖母次之。只是正排看正面。不會對排曾祖。祖父。皆然。其中有伯叔。伯叔母。兄弟。弟嫂婦。無人主祭而我爲祭者。各以昭穆論。○黃氏瑞節曰。神主位次。放宗法也。今依本註。姑以小宗法明之。小



士虞記班次也喪  
服也記曰親以基  
昭穆

朱子曰儀禮必謂  
以其班祔檀弓不  
謂班乎祖父者也  
曲禮云君子抱孫不  
抱子此言孫可以  
為王父尸子不可為  
父尸鄭氏云與祖  
胎穆同也  
姪之父兄弟也  
姪無後當祔祖  
而祖尚在不得祔  
如祔于宗家  
祖位及其祖死

宗有四。繼高祖之小宗者。身為玄孫及祀小宗  
之祖為高祖。而會祖祖父次之。繼曾祖之小宗  
者。身為曾孫及祀小宗之祖為曾祖。而以上吾  
不得祀矣。繼祖之小宗者。身為孫及祀小宗之  
祖為祖。而以上不得祀矣。繼禰之小宗者。身為  
子。小宗之祖為禰。而以上不得祀矣。不得祀者。  
以上為大宗之祖。吾不得而祀之也。大宗亦然。  
先君世子。大宗而下。又不得而祀之也。朱子云。  
宗法須宗室及世族之家。先行之。方使以下士  
大夫行之。然家禮以宗法為主。所謂非嫡長子  
不敢祭。其父皆是意也。至於冠  
昏喪祭。莫不以宗法行其間云。

旁親之無後者。以其班祔。

伯叔祖父母祔于高祖。伯叔父母祔于曾祖。妻若  
兄弟若兄弟之妻祔于祖。子姪祔于父。皆西向主  
。積並如正位。姪之父自立祠堂。則遷而從之。○程



而易父立乃氏  
從親祖也蓋此  
也自親凡身別  
自家已立祠堂  
宜附其姓何  
此之有

程子曰物如母  
而不知父者走對  
是也知父而不知  
祖者聽易是也  
唯人則能知祖  
若不心於祭祀  
殆與數鳥無異  
矣

或問無後祠食  
子曰古人祭於東  
人家無東西廂  
當另位於堂  
祭食則一但  
飯早晚使人  
酌而已如今

子曰無服之殤不祭下殤之祭終父母之身中殤  
之祭終兄弟之身長殤之祭終兄弟之子之身成  
人而無後者其祭終兄弟之孫之身此皆以義起  
者也

楊氏復曰按附位謂旁親無後及卑幼先亡者  
祭禮總祭高祖畢即使人酌獻附于高祖者會  
祖祖考皆然故祝文說以某人附食尚饗詳見  
後祭禮篇四時祭條○劉氏垓孫曰先生云如  
附祭伯叔則附子會祖之傍一邊在位牌左邊  
安伯叔母則附曾祖母東邊安兄弟嫂妻婦則  
附于祖母之傍伊川云曾祖兄弟無主者亦不  
祭不知何所據而云伊川云只是義起也○遇  
大時節請祖先祭于堂或廳上坐次亦如在廟  
時排定附祭旁親者亡丈夫左婦女坐以就裏  
之而三  
為大凡附於此者不從昭穆了只以男  
女左右大小分排在廟却各從昭穆附



置祭田

初立祠堂則計見田每龕取其二十之一以為祭田。親盡則以為墓田。後凡正位祔位皆放此。宗子主之以給祭用。上世初未置田則合墓下子孫之田計數而割之。皆立約聞官不得典賣。

具祭器

牀席倚卓盥盆火爐酒食之器隨其合用之數皆

具貯於庫中而封鎖之不得他用。無庫則貯於櫃

中不可貯者列於外門之內。

主人晨謁於大門之內。

晨謁按出入者諸子婦既同至人主婦則女子及幼長子同居此召不可獨廢隨宗子晨謁合祀



出入必告

人

主人謂宗子主此堂之祭者晨謁深衣焚香再拜  
主人主婦近出則入大門瞻禮而行歸亦如之經  
宿而歸則焚香再拜遠出經旬以上則再拜焚香  
告云某將適某所敢告又再拜而行歸亦如之但  
告云某今日歸自某所敢見經月而歸則開中門  
立於階下再拜升自阼階焚香告畢再拜降復位  
再拜餘人亦然但不開中門○凡主婦謂主人之  
妻○凡升降惟主人由阼階主婦及餘人雖尊長  
亦由西階○凡拜男子再拜則婦人四拜謂之俠

瞻禮男子再拜

婦人四拜

俠并也



天中記云自虎通曰  
夏以孟春月為正  
以平旦為朔殷以十  
月為正鷄鳴為朔  
周以十一月為正夜  
半為朔

參祀觀也

祀輯曰等即古  
白茅備酒之義  
會通曰截茅如  
一握許以紅帛  
後束立於中江  
淮間一帶三脊  
山束之有靈數法  
酒滲下若神能  
之故謂之編茅

拜其男女相答拜亦然

正至朔望則參

正至朔望前一日灑掃齋宿厥明夙興開門軸簾  
每龕設新果一大盤於卓上每位茶盞托酒盞盤  
各一於神主櫝前設東茅聚沙於香卓前別設一  
卓於阼階上置酒注盞盤一於其上酒一瓶於其  
西盞盆碗巾各二於阼階下東南有臺架者在西  
為主人親屬所盥無者在東為執事者所盥巾皆  
在北主人以下盛服入門就位主人北面於阼階  
下主婦北面於西階下主人有母則特位於主婦



之前主人有諸父諸兄則特位於主人之右少前  
重行西上。有諸母姑嫂姊則特位主婦之左少前  
重行東上。諸弟在主人之右少退。子孫外執事者  
在主人之後。重行西上。主人弟之妻及諸妹在王  
婦之左少退。子孫婦女內執事者在主婦之後。重  
行東上立定。主人盥洗升楮笏啓櫝奉諸考神主  
置於櫝前。主婦盥悅升奉諸妣神主置于考東次  
出耐主亦如之。命長子長婦或長女盥悅升分出  
諸耐主之卑者亦如之。皆畢主婦以下先降復位。  
主人詣香卓前降神。楮笏焚香再拜少退立執事。



者盥帨升開瓶實酒于注一人奉注詣主人之右  
一人執盞盤詣主人之左主人跪執事者皆跪主  
人受注斟酒反注取盞盤奉之左執盤右執盞酌  
于茅上以盞盤授執事者出笏俛伏興少退再拜  
降復位與在位者皆再拜參神主人升搢笏執注  
斟酒先正位次祔位次命長子斟諸祔位之卑者  
主婦升執茶筴執事者執湯瓶隨之點茶如前命  
長婦或長女示如之子婦執事者先降復位主人  
出笏與主婦分立於香卓之前東西再拜降復位  
與在位者皆再拜辭神而退○冬至則祭始祖畢



行禮如上儀○望日不設酒不出主主人點茶長  
子佐之先降主人立於香卓之南再拜乃降餘如  
上儀○準禮舅沒則姑老不預於祭又曰支子不  
祭故今專以世嫡宗子夫婦爲主人主婦其有母  
及諸父母兄嫂者則設特位於前如此○凡言盛  
服者有官則幘頭公服帶靴笏進士則幘頭襴衫  
帶處士則幘頭卓衫帶無官者通用帽子衫帶又  
不能具則或深衣或涼衫有官者亦通服帽子以  
下但不爲盛服婦人則假髻是衣長裙女在室者  
冠子背子衆妾假髻背子



播為玉藻註神  
易也

何泉燕曰唱嘆  
引氣之聲聲想  
古人亦作此聲  
不知是為不知  
執法矣

楊氏復曰。先生云。元旦。則在官者有朝謁之禮。恐不得專精於祭事。某鄉里却止於除夕前三。四日行事。此亦更在斟酌也。○劉氏璋曰。司馬溫公註影堂雜儀。凡月朔則執事者於影堂裝香。具茶酒。常食數品。主人以下皆盛服。男女左右。叙立如常儀。主人主婦親出。祖考以下祠版。置於位。焚香。主人以下俱再拜。執事者斟祖考前茶酒。以授主人。主人播笏跪。酌茶酒。執笏跪。伏。興。帥男女俱再拜。次酌祖妣以下皆滿。納祠版出。爵月望不設食。不出祠版。餘如朔儀。影堂門無事常閉。每旦子孫詣影堂前唱喏。出外歸亦然。若出外再宿以上。歸則入影堂再拜。將遠適及遷官。凡大事則盥手焚香。以其事告。退各再拜。有時新之物。則先薦于影堂。忌日則去華歸之服。薦酒食如月朔。不飲酒。不食肉。思慕如居喪禮。君子有終身之喪。忌日之謂也。舊儀不見客受吊。於禮無之。今不取。遇水火盜賊。則先救。先公遺文。次祠版。次影。然後救家財。

俗節則獻以時食



節如清明寒食重午中元重陽之類凡鄉俗所尚者食如角黍凡其節之所尚者薦以大盤間以蔬果禮如正至朔日之儀

冬

問俗節之祭如何朱子曰韓魏公處得好謂之節祠發於正祭但七月十五日用淨屠設素饌祭某不用○又答張南軒曰今日俗節古所無有故古人雖不祭而情亦自安今人既以此為重至於其日必具殺羞相宴樂而其節物亦各有宜故世俗之情至於是日不能不思其祖考而復以其物享之雖非禮之正然亦人情之不能已者且古人不祭則不敢以燕况今於此俗節既已據經而廢祭而往者則飲食宴樂隨俗自如非事死如事生事止如事存之意也又曰朔旦家廟用酒果望旦用茶重午中元九日之類皆名俗節大祭時每位用四味請出木主俗節小祭只就家廟止二味朔旦俗節酒止一上斟一盃○揚氏復曰時祭之外各因鄉俗之舊



以其所尚之時所用之物奉以大盤陳於廟中。  
而以告朔之禮奠焉。則庶幾合乎隆殺之節而  
盡乎委曲之情。可行  
於久遠而無疑矣。

# 有事則告

如正至朔日之儀。但獻茶酒再拜訖。主婦先降復  
位。主人立於香卓之南。祝執版立於主人之左。跪  
讀之。畢興。主人再拜降。復位。餘並同。○告授官祝  
版云。維年歲月朔日。孝子某官某敢昭告于故某  
親某官封謚府君。故某親某封某氏某。以某月某  
日。蒙恩授某官。奉承先訓。獲霑祿位。餘慶所及。不  
勝感慕。謹以酒果用伸虔告。謹告。貶降則言貶某。



官荒墜先訓皇恐無地謹以後同若弟子則言某之某某餘同○告追贈則止告所贈之龕別設香卓於龕前又設一卓於其東置淨水粉盞刷子硯墨筆於其上餘並同但祝版云奉某月某日制書贈故某親某官故某親某封某奉承先訓竊位于朝祗奉恩慶有此褒贈祿不及養摧咽難勝謹以後同若因事特贈則別爲文以叙其意告畢再拜主人進奉主置卓上執事者洗去舊字別塗以粉俟乾命善書者改題所贈官封陷中不改洗水以灑祠堂之四壁主人奉主置故處乃降復位後同



諸家子不言孝  
子曰富子死稱名不  
稱壽身歿而已註  
云但言子某也  
其常事疏曰不  
言介此富子既  
死不得稱介也  
按富子死無後

○主人生嫡長子則滿月而見如上儀但不用祝  
主人立於香卓之前告曰某之婦某氏以某月某  
日生子名某敢見告畢立於香卓東南西向主婦  
抱子進立於兩階之間再拜主人乃降復位後同  
○冠昏則見本篇○凡言祝版者用版長一尺高  
五寸以紙書文黏於其上畢則揭而焚之其首尾  
皆如前但於故高祖考故高祖妣自稱孝元孫於  
故曾祖考故曾祖妣自稱孝曾孫於故祖考故祖  
妣自稱孝孫於故考故妣自稱孝子有官封謚則  
皆稱之無則以生時行第稱號加于府君之上妣



則庶子主宗山宜  
後此祀而庶子喪  
畢當以庶子奉祀  
改題主傍不必用  
此在也

禮多曰有焚墓先人  
之室則三日哭

遷遷遷更代也自  
下外上曰此

曰某氏夫人凡自稱非宗子不言孝○告事之祝

四代共為一版自稱以其最尊者為主止告正位

不告祔位茶酒則並設之

朱子曰焚黃近世行之墓次不知於禮何據張  
魏公贈謚只告于廟疑為得體但今世皆告墓

恐未免隨俗耳○揚氏復曰按先生文集  
有焚黃祝文云告于家廟亦不云告墓也

或有水火盜賊則先救祠堂遷神主遺書次及祭器

然後及家財易世則改題主而遞遷之

改題遞遷禮見喪禮大祥章大宗之家始祖親盡

則藏其主於墓所而大宗猶主其墓田以奉其墓

祭歲率宗人一祭之百世不改其第二世以下祖



親盡及小宗之家高祖親盡則遷其主而埋之其墓田則諸位迭掌而歲率其子孫一祭之亦百世不改也

或問而今士庶亦有始基之祖莫亦只祭得四代以上則可不祭否朱子曰而今祭四代已爲僭古者官師亦只祭得二代若是始基之祖想亦只存得墓祭○楊氏復曰此章云始祖親盡則藏其主於墓所喪禮大祥事亦云若有親盡之祖而其別子也則祀版云云告畢而遷于墓所不埋夫藏其主於墓所而不埋則墓所必有祠堂以奉墓祭

深衣制度

此章本在冠禮之後今以前章已有其文  
平日之常服故次前章



朱子曰。去古益遠。其冠服制度。僅存而可見者。獨有此耳。然遠方士子。亦所罕見。往人自為制。說異不經。近於服妖。甚可歎也。

裁用白細布。度用指尺。

中指中節為寸。

司馬溫公曰。凡尺寸皆當用周尺。度之周尺一尺。當今省尺五寸五分弱。○揚氏復曰。說文云。周制寸尺。尺尋皆以人之體為法。

衣全四幅。其長過脇。下屬於裳。

用布二幅。中屈下垂。前後共為四幅。如今之直領衫。但不裁破腋下。其下過脇而屬於裳處。約圍七尺二寸。每幅屬裳三幅。



裳交解十二幅上屬於衣其長及踝

用布六幅每幅裁為二幅一頭廣一頭狹狹頭當

廣頭之半以狹頭向上而連其縫以屬於衣其屬

衣處約圍七尺二寸每三幅屬衣一幅其下邊及

踝處約圍丈四尺四寸

圓袂

用布二幅各中屈之如衣之長屬於衣之左右而

縫合其下以為袂其本之廣如衣之長而漸圓殺

之以至袂口則其徑一尺二寸

楊氏復曰左右袂各用布一幅屬於衣又按深衣篇云袂之長短反屈之及時夫袂之長短以



反屈及肘為準則  
不以一幅為拘

方領

系

兩襟相掩社在腋下則兩領之會自方

系

曲裾

系

用布一幅如裳之長交解裁之如裳之制但以廣

頭向上布邊向外左掩其右交映垂之如燕尾狀

又稍裁其內旁太半之下令漸如魚腹而末為鳥

喙內向綴於裳之右旁禮記深衣續衽鉤邊鄭註

鉤邊若今曲裾

系

蔡氏淵曰司馬所載方領與續衽鉤邊之制引  
證雖詳而不得古意先生病之嘗以理玩經文



與身服之宜。而得其說。謂方領者只是衣領既  
交自有如矩之象。謂續衽鉤邊者只是連續裳  
旁。無前後幅之縫。左右交鉤即為鉤邊。非有別  
布一幅。裁之如鉤而綴于裳旁也。方領之說。先  
生已修之家禮矣。而續衽鉤邊則未及修焉。  
楊氏復曰。深衣制度。惟續衽鉤邊一節難考。按  
禮記玉藻。深衣疏。皇氏。熊氏。孔氏。三說皆不同。  
皇氏以喪服之衽。廣頭在上。深衣之衽。廣頭在  
下。喪服與深衣二者相對為衽。孔氏以衣下屬  
幅而下。裳上屬幅而上。衣裳二者相對為衽。此  
其不同者一也。皇氏以衽為裳之兩旁。皆有孔  
氏以衽為裳之一邊。所有此其不同者二也。皇  
氏所謂廣頭在上為喪服之衽者。熊氏又以此  
為齊祭服之衽。一以為吉服之衽。一以為凶服  
之衽。此其不同者三也。家禮以深衣續衽之制  
兩廣頭向上。似與皇氏喪服之衽。熊氏齊祭服  
之衽相類。此為可疑。是以先生晚歲所服深衣  
去家禮舊說曲裾之制而不用。蓋有深意。恨未  
得聞其說之詳也。及得蔡淵所聞。始知先師所  
以去舊說曲裾之意。復又取禮記深衣篇熟讀



之始知鄭康成註續社二字文義甚明。特疏家  
亂之耳。按鄭註曰。續猶屬也。社在裳旁者也。屬  
連之。不殊裳前後也。鄭註之意。蓋謂凡裳前三  
幅。後四幅。夫既分前後。則其旁兩幅。分開而不  
相屬。惟深衣裳十二幅。交裂裁之。皆名為社。見  
玉藻。社當旁註。所謂續社者。指在裳旁兩幅言  
之。謂屬連裳旁兩幅。不殊裳前後也。疏家不詳  
考其文義。但見社在裳旁一句。意謂別用布一  
幅。裁之如鈞而垂於裳旁。妄生穿鑿。紛紛異同。  
愈多愈亂。自漢至今二千餘年。讀者皆求之於  
別用一幅布之中。而註之本義。為其掩蓋而不  
可見。夫疏所以釋註也。今推尋鄭註本文。其義  
如此。而皇氏熊氏等所釋其謬如彼。皆可以一  
捐而去之矣。先師晚歲知疏家之失。而未及修  
定。愚故著勦註於家禮深衣曲裾之下。以破疏  
家之謬。且以見先師晚歲已定之說云。○劉氏  
璋曰。深衣之制。用白細布。鍛濯灰治。使之和熟。  
其人肥大。則布幅隨而潤。瘦細。則幅隨而狹。不  
必拘於尺寸。裳十二幅。以應十有二月。袂圓應  
規。袂袖口也。曲袷如矩。應方。曲袷者。交領也。負



繩及踝。應直。負繩。謂背後縫上下相當。而取直如繩之正。非謂用縫為負繩也。踝。足跟也。及踝者。裳止其足。取長無被土之義。下齊如權衡。應平。裳下曰齊。音洛。齊。緝也。取齊如字。平若衡。而無低昂參差也。規矩繩權衡五法。已施故聖人服之。先王貴之。可以為文。可以為武。可以擯。相可以治軍旅。自士以上。深衣為之。次庶人。吉服深衣而已。夫事尊者。蓋以多飾為孝。具大父母。衣純音準。以續。胡對切。純。緣也。續。畫也。畫五采以為文。相次而畫。後人有以織錦為純。以代續。文者具父母。衣純以青。孤子純以素。今用黑繪。以從簡易也。

# 黑緣

緣用黑繪。領表裏各二寸。袂口裳邊表裏各一寸。半袂口布外別此緣之廣。

# 大帶



東西曰廣南北曰  
袤五梁以糊紙  
為梁中夾旦以  
糊紙則地望以

帶用白繒廣四寸夾縫之其長圍腰而結於前再  
繚之為兩耳乃垂其餘為紳下與裳齊以黑繒飾  
其紳復以五采條廣三分約其相結之處長與紳  
齊

緇冠

果

糊紙為之武高寸許廣三寸袤四寸上為五梁廣  
如武之袤而長八寸跨頂前後下著於武屈其兩  
端各半寸自外向內而黑漆之武之兩旁半寸之  
上竅以受筓筓用篋骨凡白物

幅巾

果

并係巾外  
下



用黑繒六尺許。中屈之右邊就屈處為橫帆。左邊反屈之。自帆左四五寸間斜縫向左圓曲而下。遂循左邊至于兩末。復反所縫餘繒使之向裏。以帆當額前裹之。至兩鬢旁各綴一帶。廣二寸長二尺。自巾外過頂後相結而垂之。

黑履

白約繒純綦

劉氏按孫曰。履之有約。謂履頭以條為鼻。或用繒一寸屈之為約。所以受繫穿貫者也。繒謂履縫中紉音旬也。以白絲為下緣。故謂之繒。純者飾也。綦屬於跟。所以繫履者也。

司馬氏居家雜儀



此章本在昏禮之後今按此乃家居平日之事所以正倫理篤恩愛者其本皆在於此必能行此然後其儀章度數有可觀焉不然則節文雖具而本實無取君子所不貴也故亦列於首篇使覽者知所先焉

凡為家長必謹守禮法以御群子弟及家衆分之以

職

謂使之掌倉廩廩庫舍業田園之類

授之以事

謂朝夕所幹及非常之事

而責

其成功制財用之節量入以為出稱家之有無以給

上下之衣食及吉凶之費皆有品節而莫不均壹裁

省冗費禁止奢華常須稍存贏餘以備不虞



凡諸卑幼事無大小毋得專行必咨稟於家長易曰

有嚴君焉。父母之謂也。安有嚴君在上而其下敢自行自恣不顧者乎。雖非父母當時為家長者亦當咨稟而行之。則號令出於一人。家政始可得而治矣。

凡為子為婦者毋得蓄私財俸祿及田宅所入盡歸之父母舅姑當用則請而用之不敢私假不敢私與

內則曰子婦無私貨無私蓄無私器不敢私假不敢私與婦或賜之飲食衣服布帛佩悅蒞昌改切蘭則受而獻諸舅姑舅姑受之則喜如新受賜若反賜之則辭不得命如更受賜截之以待之鄭康成曰待舅姑之乏也。不得命者不見許也。又曰婦若有私親兄弟將與之則必復請其故賜而後與之。夫。人子之身父母之身也。身且不敢自有况敢有財帛乎。若父子異財互相假借則是有子富而父母貧者。父母飢而子飽者。賈誼所謂借父糲音憂鋸音憂慮有德色毋取箕箒立而諄音碑語不孝不義孰甚於此

辭謬責讓也



宜省昏定具  
社席晨省具  
安少也

凡子事父母

孫事祖母同婦事舅姑亦同

天欲明咸起盥

音管洗

漱擲

阻瑟切

總

所以束髮

具冠帶

丈夫帽子

冠子

昧爽

謂天明暗

適

父母舅姑之所省

問

丈夫唱

道萬福

仍問侍者夜來安否何如侍者曰安乃

父母

舅姑起子

供藥物

藥物乃關身之切務人子當親自檢數調羹供進不可但委婢僕脫

若有誤即

婦具晨羞

俗謂點心易曰在中饋詩云惟其禍不測

職也近年

婦女驕倨皆不肯入庖厨今縱

供具畢乃

退各從其事

將食婦請所欲於家長

謂父母舅姑或當時家長也卑

幼各不得

退具而供之尊長舉筋子婦乃各退就食

丈夫婦人各設食於他所依長幼而坐其飲食必均

宜省昏定具  
社席晨省具  
安少也



壹幼子又食於他所亦依長幼席地而坐男坐於左

女坐於右及夕食亦如之既夜父母舅姑將寢則安

置而退

丈夫唱喏婦女道安此即禮之昏定也

居閑無事則侍於父母

舅姑之所容貌必恭執事必謹言語應對必下氣怡

聲出入起居必謹扶衛之不敢涕唾喧呼於父母舅

姑之側父母舅姑不命之坐不敢坐不命之退不敢

退

凡子受父母之命必籍記而佩之時省而速行之事

畢則返命焉或所命有不可行者則和色柔聲具是

非利害而白之待父母之許然後改之若不許苟於



熟諫則  
註純熟  
動而諫  
物之成  
幾諫微  
也

事無大害者亦當曲從若以父母之命為非而直行已志雖所執皆是猶為不順之子況未必是乎

凡父母有過下氣怡色柔聲以諫諫若不入起敬起

孝悅則復諫不悅與其得罪於鄉黨州閭寧熟諫父

母怒不悅而撻之流血不敢疾怨起敬起孝

楊氏復曰父母有過下氣怡聲以諫所謂幾諫也父母怒而撻之猶不敢怨况下於此者乎諫不入起敬起孝諫而怒亦起敬起孝敬孝之外豈容有他念哉是說也聖人著之論語矣

凡為人子弟者不敢以貴富加於父兄宗族

加謂恃其富貴

不率卑幼之禮

凡為人子者出必告反必面有賓客不敢坐於正廳



有賓客坐於書院無書院則坐於廳之旁側升降不敢由東階上下馬不

敢當廳凡事不敢自擬於其父

揚氏復曰。告。主毒反告與面同。反言面者從外東。宜知親之顏色安否。為人親者無一念而忘其子。故有倚間倚門之望。為人子者無一念而忘其親。故有出告反面之禮。生則出告反面。沒則告行飲至事止。如事存也。

不滿容不此  
免其便觀  
之義也

凡父母舅姑有疾。子婦無故不離側。親調嘗藥餌而

供之。父母有疾。子色不滿容。不戲笑。不宴遊。舍置餘

事。專以迎醫檢方合藥為務。疾已復。初顏氏家訓曰。

拜醫以求藥。蓋以醫者親之存亡所繫。豈可傲忽也。

凡子事父母。父母所愛亦當愛之。所敬亦當敬之。至



於犬馬盡然而況於人乎

楊氏復曰。孝子愛敬之心。無所不至。故父母之所愛敬者。雖犬馬之賤。亦愛敬之。况人乎哉。故舉其尤者言之。若兄若弟。吾父母之所愛也。吾其可以不愛乎。若薄之。是薄吾父母也。若親若賢。吾父母之所敬也。吾其可不敬之乎。若嫚之。是嫚吾父母也。推類而長。莫不皆然。若晉武惑馮統之諛。不思太后之言。而疎齊王攸。唐高宗溺武氏之寵。不念太宗顧託之命。而殺長孫無忌。皆禮經之罪人也。

凡子事父母。樂其心。不違其志。樂其耳目。安其寢處。以其飲食忠養之。幼事長。賤事貴。皆放此。

劉氏璋曰。樂其心者。謂左右侍養也。晨昏定省也。出入從遊也。起居奉侍也。必當體討其心之所好者。所惡者。何在。苟非悖乎大義。則蔑不可從。所以安固老者之行。以適其氣也。樂其耳目。



者。非聲色之末也。善言常入於親耳。善行常悅於親目。皆所以樂之也。安其寢處者。謂堂室庭除。必完潔。簾席氈褥。衾枕帳幄。必修治之類。

凡子婦未敬未孝。不可遽有憎疾。姑教之。若不可教。然後怒之。若不可怒。然後笞之。屢笞而終不改。子放婦出。然亦不明言其犯禮也。子甚宜其妻。父母不悅。出子不宜其妻。父母曰。是善事我子。行夫婦之禮焉。沒身不衰。

凡為宮室。必辨內外。深宮固門。內外不共井。不共浴堂。不共廁。男治外事。女治內事。男子晝無故不處私室。婦人無故不窺中門。男子夜行以燭。婦人有故出。



中門必擁蔽其面

如蓋頭面  
帽之類

男僕非有繕修及有大

故

謂水火盜  
賊之類

不入中門

入中門婦人必避之不可避

亦謂如水火  
盜賊之類

示必以袖遮其面女僕無故不出中門

有故出中門

亦必擁蔽其面

雖小婢  
亦然

鈴下蒼頭但主

通內外之言傳致內外之物毋得輒升堂室入庖厨

凡卑幼於尊長晨亦省問夜亦安置

丈夫唱喏婦人  
道萬福安置

坐而尊長過之則起出遇尊長於塗則下馬不見尊

長經再宿以上則再拜五宿以上則四拜賀冬至正

旦六拜朔望四拜凡拜數或尊長臨時減而止之則

從尊長之命吾家同居宗族衆多冬至朔望聚於堂



上此假設南面之堂若丈夫處左西上婦人處右東

上宅舍異制臨時從宜皆北向共為一列各以長幼為序夫婦以

長幼為序身之長幼為序以共拜家長畢長兄立於門之左長姊

立於門之右皆南向諸弟妹以次拜訖各就列丈夫

西上婦人東上共受卑幼拜以宗族多若人人致拜則不勝煩勞故同列共

受拜訖先退後輩立受拜於門東西如前輩之儀

若卑幼自遠方至見尊長遇尊長三人以上同處者

先共再拜叙寒暄問起居訖又三再拜而止晨夜唱

安置若尊長三人以上同處亦三而止所以避煩也

凡受女婿及外甥拜立而扶之扶謂外孫則立而受



之可也

凡節序及非時家宴上壽於家長卑幼盛服序立如  
朔望之儀先再拜子弟之最長者一人進立於家長  
之前幼者一人搢笏執酒盞立於其左一人搢笏執  
酒注立於其右長者搢笏跪斟酒祝曰伏願某官備  
膺五福保族宜家尊長飲畢授幼者盞注及其故處  
長者出笏俛伏興退與卑幼皆再拜家長命諸卑幼  
坐皆再拜而坐家長命侍者徧酢諸卑幼諸卑幼皆  
起序立如前俱再拜就坐飲訖家長命易服皆退易  
便服還復就坐



凡子始生若為之求乳母必擇良家婦人稍溫謹者

乳母不良非惟敗亂家法兼令所飼之子性行亦類之子能食飼之教以右手

子能言教之自名及唱喏萬福安置稍有知則教之

以恭敬尊長有不識尊卑長幼者則嚴訶禁之胎教

况於已生子始生未有知固舉以禮况於已有知孔子曰幼成若天性習慣如自然顏氏家訓曰教婦初

來教子嬰孩故於其始育知不可不使之知尊卑長幼之禮若侮詈父母歐擊兄弟父母不加訶禁反笑

而獎之彼既未辨好惡謂禮當然及其既長習以成性乃怒而禁之不可復制於是父疾其子子怨其父

殘忍悖逆無所不至蓋父母無深識遠慮六歲教之不能防微杜漸溺於小慈養成其惡故也

數謂一十萬與方名謂東西男子始習書字女子始習

女工之小者七歲男女不同席不共食始誦孝經論



語雖女子亦宜誦之自七歲以下又謂之孺子早寢晏

起食無時八歲出入門戶及即席飲食必後長者始

教之謙讓男子誦尚書女子不出中門九歲男子誦

春秋及諸史始為之講解使曉義理女子亦為之講

解論語孝經及烈女傳女戒之類略曉大意古之賢女無不

觀圖史以自鑒如曹大家之徒皆精通經術議論明正今人或教女子以作歌詩軟俗樂殊非所宜也

十歲男子出就外傳居宿於外讀詩禮傳為之講解

使知仁義禮知信自是以往可以讀孟荀揚子博觀

群書凡所讀書必擇其精要者而讀之如禮記學記大學中庸樂

記之類也其異端非聖賢之書傳宜禁之勿使妄觀書倣此



此費極多 註後人  
 賤也男曰臣女曰  
 妾也晉羊祜給  
 周天子侍衛十  
 數人註閤內置  
 鈴架以警防  
 不虞陳氏曰奴  
 僕以養者乃中  
 也曰名頭

以惑亂其志觀書皆通始可學文辭女子則教以女

婉婉音晚婉貌聽從及女工之大者女工謂蚕桑織績裁縫及為節膳不

惟正是婦人之職兼欲使之知衣食所來之艱難不敢恣為奢麗至於纂組華巧之物亦不必習也未

冠笄者質明而起總角音醜面音悔洗面以見尊長佐

長者供養祭祀則佐執酒食若既冠笄則皆責以成

人之禮不得復言童幼矣

凡內外僕妾鷄初鳴咸起櫛總盥漱衣服男僕灑掃

廳事及庭鈴下蒼頭灑掃中庭女僕灑掃堂室設倚

卓陳盥漱櫛醕之具主父主母既起則拂牀褰音疊

衣衾侍立左右以備使令退而具飲食得間則浣濯



紉縫先公後私及夜則復拂牀展衾當晝內外僕妾

惟主人之命各從其事以供百役

凡女僕同輩

謂兄弟所使

謂長者為姊後輩

謂諸子舍所使謂前

輩為姨

內則云。雖婢妾衣服飲食必後長者。鄭康成曰。人貴賤不可以無禮。故使之序長幼務

相雍睦

其有鬪爭者主父主母聞之即訶禁之不止

即杖之

理曲者杖多一止一不止獨杖不止者

凡男僕有忠信可任者重其祿能幹家事次之其專

務欺詐背公徇私屢為盜竊弄權犯上者逐之

凡女僕年滿不願留者縱之勤舊少過者資而嫁之

其兩面二舌飾虛造謔離間骨肉者逐之屢為盜竊



者逐之放蕩不謹者逐之有離叛之志者逐之

家禮卷第一







家禮卷第二

冠禮

冠

楊氏復曰。有言書儀中冠禮簡易可行者。先生曰。不獨書儀。古冠禮亦自簡易。

男子年十五至二十皆可冠

冠義註曰。男子陽也。二十陰之數。而冠者以陰而成。陽女子陰也。十五陽之數。十五而笄。以陽而成。身陰也。

司馬溫公曰。古者二十而冠。皆所以責成人之禮。

蓋將責為人子。為人弟。為人臣。為人少者之行於

其人。故其禮不可以不重也。近世以來。人情輕薄。

過十歲而總角者。少矣。彼責以四者之行。豈知之

哉。往往自幼至長。愚騃若一。由不知成人之道故。

駁會通無知也。午諸反。



雜記曰大司馬  
有以冠子嫁子父  
大功未葬可以冠子  
而嫁子可以取  
婦已雖大功既  
卒哭可以冠取  
妻下殯之可以  
則不可

介副介之義曾子  
問註介子庶子也  
不曰庶而介者庶  
卑賤之稱介則  
副戴之義也貴  
之通也

也今雖未能遽革且自十五以上俟其能通孝經

論語粗知禮義然後冠之其亦可也

必父母無暮以上喪始可行之

大功未葬示不可行

前期三日主人告于祠堂

古禮筮日今不能然但正月內擇一日可也主人

謂冠者之祖父自為繼高祖之宗子者若非宗子

則必繼高祖之宗子主之有故則命其次宗子若

其父自主之告禮見祠堂章祝版前同但云某之

子某若某之某親之子某年漸長成將以某月某



戒敬言也告也酌  
會慎也

日加冠於其首謹以後同若族人以宗子之命自  
冠其子其祝版亦以宗子為主曰使介子某○若  
宗子已孤而自冠則亦自為主人祝版前同但云  
某將以某月某日加冠於首謹以後同

戒賓

古禮筮賓今不能然但擇朋友賢而有禮者一人  
可也是日主人深衣詣其門所戒者出見如常儀  
啜茶畢戒者起言曰某有子某若某子某親有子  
某將加冠於其首願吾子之教之也對曰某不敏  
恐不能供事以病吾子敢辭戒者曰願吾子之終



鄭氏詳註曰賓  
即南也進也猶  
使賓荷前也

教之也對曰吾子重有命某敢不從地遠則書初  
請之辭為書遣子弟致之所戒者辭使者固請乃  
許而復書曰吾子有命某敢不從○若宗子自冠  
則戒辭但曰某將加冠於首後同

前一日宿賓

遣子弟以書致辭曰來日某將加冠於子某若某  
親某子某之首吾子將莅之敢宿某上某人答書  
曰某敢不夙興與某上某人○若宗子自冠則辭之  
所改如其戒賓

陳設



設盥帨於聽事如祠堂之儀以帟幕為房於聽事

之東北或聽事無兩階則以堊畫而分之後放此

司馬溫公曰古禮謹嚴之事皆行之於廟今人既少家廟其影堂亦徧隘難以行禮但冠於外廳并在中堂可也士冠禮設洗直於東榮南北以堂深水在洗東今私家無壘洗故但用盥盆帨巾而已盥濯手也帨手巾也聽事無兩階則分其中央以東者為阼階西者為賓階無室無房則暫以帟幕截其北為室其東北為房此皆據廳堂南向者言之○劉氏璋曰冠義曰冠禮筮日筮賓所以敬冠事冠者禮之始也嘉事之重者也是故古者重冠重冠故行之於廟者所以尊重事尊重事而不敢擅重事所以自卑而尊先祖也

厥明夙興陳冠服

有官者公服帶靴笏無官者襴衫帶靴通用皐衫

爵會在上曰帟音亦介遮日也

也聖音思白土



深衣大帶履櫛須掠皆卓子陳于房中東領北上  
酒注盞盤亦以卓子陳于服北幘頭帽子冠笄巾  
各以一盤盛之蒙以帕以卓子陳于西階下執事  
者一人守之喪子則布席于阼階上之東少北西  
向衆子則少西南向○宗子自冠則如喪子之席  
少南

程子曰。今行冠禮。若制古服而冠冠了。又不常著。却是偽也。必須用時之服。

主人以下序立

主人以下盛服就位。主人阼階下少東西向子弟  
親戚僮僕在其後重行西向北上。擇子弟親戚習



禮者一人爲賓立於門外西向將冠者雙紒四袂  
衫勒帛采屐在房中南面若非宗子之子則其父  
立於主人之右尊則少進卑則少退○宗子自冠  
則服如將冠者而就主人之位

賓至主人迎入升堂

賓自擇其子弟親戚習禮者爲贊冠者俱盛服至  
門外東面立贊者在右少退賓者入告主人主人  
出門左西向再拜賓答拜主人揖贊者贊者報揖  
主人遂揖而行賓贊從之入門分庭而行揖讓而  
至階又揖讓而升主人由阼階先升少東西向賓



由西階繼升少西東向贊者盥帨由西階升立於房中西向儼者筵于東序少北西面將冠者出房南面○若非宗子之子則其父從出迎賓入從主人後賓而升立於主人之右如前

賓揖將冠者就席爲加冠巾冠者適房服深衣納履出

賓揖將冠者出房立于席右向席贊者取櫛緇掠置于席左興立於將冠者之左賓揖將冠者即席西向跪贊者即席如其向跪爲之櫛合紒施掠賓乃降主人亦降賓盥畢主人揖升復位執事者以



冠巾盤進賓降一等受冠笄執之正容徐詒將冠  
者前向之祝曰吉月令日始加元服棄爾幼志順  
爾成德壽考維祺以介景福乃跪加之贊者以巾  
跪進賓受加之興復位揖冠者適房釋四袂衫服  
深衣加大帶納履出房正容南向立良久○若宗  
子自冠則賓揖之就席賓降盥畢主人不降餘並  
同

楊氏復曰書儀始加以巾家禮又先  
以冠笄乃加巾者蓋冠笄正是古禮

再加帽子服皐衫革帶繫鞋

賓揖冠者即席跪執事者以帽子盤進賓降二等



受之執以詣冠者前祝之曰吉月令辰乃申爾服  
謹爾威儀淑慎爾德眉壽永年享受遐福乃跪加  
之興復位揖冠者適房釋深衣服皐衫革帶繫鞋  
出房立

楊氏復曰儀禮書  
儀冉加賓盥如初

三加幘頭公服革帶納靴執笏若襴衫納靴

禮如再加惟執事者以幘頭盤進賓降沒階受之  
祝辭曰以歲之正以月之令咸加爾服兄弟具在  
以成厥德黃耇無彊受天之慶贊者徹帽賓乃加  
幘頭執事者受帽徹櫛入于房餘並同



楊氏復曰。儀禮書  
儀三加賓盥如初

乃醺

人

長子則儻者改席于堂中間少西南向衆子則仍  
故席贊者酌酒于房中出房立于冠者之左賓揖  
冠者就席右南向乃取酒就席前北向祝之曰旨  
酒既清嘉薦令芳拜受祭之以定爾祥承天之休  
壽考不忘冠者再拜升席南向受盞賓復位東向  
答拜冠者進席前跪祭酒興就席末跪啐酒興降  
席授贊者盞南向再拜賓東向答拜冠者遂拜贊  
者贊者賓左東向少退答拜

啐音最祝  
云先入也  
乃啐至也  
啐士冠註  
以當也



司馬溫公曰。古者冠用醴。或用酒。醴則一獻。酒則三醴。今私家無醴。以酒代之。但改醴辭甘醴。惟厚爲吉。酒既清耳。所以從簡。○劉氏垓孫曰。其曰醴者。卽禮記所謂醴於客信。加有成也。

### 賓字冠者

賓降階東向。主人降階西向。冠者降自西階。少東

南向。賓字之曰。禮儀旣備。令月吉日。昭告爾字。爰

字孔嘉。髦士攸宜。宜之于嘏。永受保之。曰伯某父。

仲叔季唯所當冠者。對曰。某雖不敏。敢不夙夜祗

奉。賓或別作辭。命以字之之意亦可。

### 出就次

賓請退。主人請禮。賓出就次。



主人以冠者見于祠堂

如祠堂章內生子而見之儀。但改告辭曰某之子某若某親某之子某。今日冠畢敢見冠者進立於兩階間。再拜餘並同。○若宗子自冠則改辭曰某今日冠畢敢見。遂再拜降復位。餘並同。○若冠者私室有曾祖祖以下祠堂則各因其宗子而見。自爲繼曾祖以下之宗則自見。

冠者見于尊長

父母堂中南面坐。諸叔父兄在東序。諸叔父南向。諸兄西向。諸婦女在西序。諸叔母姑南向。諸姊妹



東向冠者人北向拜父母余父母為之起同居有尊長則父母以冠者又詣其室拜之余尊長為之起還就東西序余每列再拜應答拜者又答若非宗子之子則先見宗子及諸尊於父者於堂余乃就私室見於父母及餘親○若宗子自冠有母則見于母如儀族人宗之者皆來見於堂上余宗子西向拜其尊長每列再拜受卑幼者拜天

司馬溫公曰冠義曰見於母毋拜之見於兄弟兄弟拜之成人而與為禮也今則難行但於拜時母為之起立可也下見諸父及兄倣此

乃禮賓天



主人以酒饌延賓及僎贊者酌之以幣而拜謝之幣多少隨宜賓贊有差

司馬溫公曰。士冠禮。乃禮賓以一獻之禮。註。一獻者。獻酢。酌賓。主人各兩爵而禮成。又曰。主人酌賓。束帛。僎皮。註。束帛。十端也。僎皮。兩鹿皮也。又曰。贊者。皆與贊冠者為介。註。介。賓之輔。以贊為之。尊之也。鄉飲酒禮。賢者為賓。其次為介。又曰。賓出。主人送于門外。再拜。歸賓。娯。註。使人歸諸賓家也。今慮貧家不能辦。故務從簡易。

冠者遂出見于鄉先生及父之執友

冠者拜。先生執友皆答拜。若有誨之。則對如對賓

之辭。且拜之。先生執友不答拜

筓

鄉先生義註鄉之年德。傷高者。或致仕者。曲執執友執志同者。同師友。執志同。執友。



女子許嫁笄

文

年十五雖未許嫁亦笄

文

母為主

文

宗子主婦則於中堂非宗子而與宗子同居則於私室與宗子不同居則如上儀

文

前期三日戒賓一日宿賓

文

賓亦擇親姻婦女之賢而有禮者爲之以牋紙書其辭使人致之辭如冠禮但子作女冠作笄吾子作某親或某封○凡婦人自稱於已之尊長則曰兒卑幼則以屬於夫黨尊長則曰新婦卑幼則曰



老婦今非親戚而往來者集各以其黨又爲稱後放此方

陳設人

如冠禮此但於中堂布席如衆子之位本

厥明陳服治

如冠禮此但用背子冠笄本

序立人

主婦如主人之位將笄者雙紒衫子此房中南面本

賓至集主婦迎入升堂人

如冠禮此但不用贊者治主婦升自阼階本

賓爲將笄者加冠笄治適房服背子本



畧如冠禮但祝用始加之辭不能則省

乃醺

冬

如冠禮辭亦同

夕

乃字

冬

如冠禮但改祝辭髦士為女士

冬

乃禮賓皆如冠儀

冬

程子曰冠禮廢天下無成人或欲如魯襄公十  
二而冠此不可冠所以責成人事十二年非可  
責之時既冠矣且不責以成人事則終其身不  
以成人望之也徒行此節文何益雖天子諸  
亦必二十而冠○劉氏璋曰笄今簪也婦人之  
首飾也女子笄則當許嫁之時然嫁生於二十  
以其二十而下  
嫁則為非禮

止



家禮卷第二



卷之二十一

七



鄭玄曰以昏也  
陽陰陰來昏  
以昏為期故  
為名焉

鄭玄曰孤子冠  
自稱主人而  
於昏紀不稱主  
人為養廉遠  
也

# 家禮卷第三

## 昏禮

### 議昏

男子年十六至三十女子年十四至二十

司馬溫公曰古者男三十而娶女二十而嫁今令

文男年十五女年十三以上並聽昏嫁今為此說

所以參古今之道酌禮令之中順天地之理合人

情之宜也

身及主昏者無暮以上喪乃可成昏

大功未葬亦不可主昏○凡主婚如冠禮主人之



法。但宗子自昏則以族人之長為主。

必先使媒氏往來通言俟女氏許之然後納采。

司馬溫公曰。凡議昏姻當先察其婿與婦之性行及家法何如。勿苟慕其富貴。壻苟賢矣。今雖貧賤安知異時不富貴乎。苟為不肖。今雖富盛安知異時不貧賤乎。婦者家之所由盛衰也。苟慕其一時之富貴而娶之。彼挾其富貴鮮有不輕其夫而傲其舅姑。養成驕妬之性。異日為患庸有極乎。借使因婦財以致富。依婦勢以取貴。苟有丈夫之志氣者。能無愧乎。又世俗好於襁褓童幼之時。輕許為



昏亦有指腹為昏者及其既長或不肖無賴或身  
有惡疾或家貧凍餒或喪服相仍或從宦遠方遂  
至棄信負約速獄致訟者多矣是以先祖大尉嘗  
曰吾家男女必俟既長然後議昏既通書不數月  
必成昏故終身無此悔乃子孫所當法也

### 納采

納其采擇之禮即今世俗所謂言定也

### 主人具書

主人即主昏者書用牋紙如世俗之禮若族人之  
子則其父具書告于宗子

采猶言也  
而擇之也



夙興奉以告祠堂

如告冠儀其祝版前同但云某之子某若某之某  
親之子某年已長成未有伉儷已議娶某官某郡  
姓名之女今日納采不勝感愴謹以後同○若宗  
子自昏則自告

乃使子弟爲使者如女氏女氏主人出見使者

使者盛服如女氏女氏亦宗子爲主主人盛服出  
見使者非宗子之女則其父位於主人之右尊則  
少進卑則少退啜菽畢使者起致辭曰吾子有惠  
貺室某也某之某親某官有先人之禮使某請納



采從者以書進使者以書授主人主人對曰某之  
子若妹姪孫蠢愚又弗能教吾子命之某不敢辭  
北向再拜使者避不答拜使者請退俟命出就次  
若許嫁者於主人爲姑姊則不云蠢愚又弗能教  
餘辭並同

遂奉書以告于祠堂

如壻家之儀祝版前同但云某之第幾女若某親  
某之第幾女年漸長成已許嫁某官某郡姓名之  
子若某親某今日納采不勝感愴謹以後同  
出以復書授使者遂禮之



主人出延使者升堂授以復書使者受之請退主人請禮賓乃以酒饌禮使者使者至是始與主人交拜揖如常日賓客之禮其從者亦禮之別室皆酌以幣

使者復命壻氏主人復以告于祠堂

不用祝

納幣

古禮有問名納吉居今不能盡用止用納采納

幣以從簡便

納幣



幣用色繒貧富隨宜少不過兩多不踰十今人更  
用釵釧羊洒果實之屬亦可

具書遣使如女氏女氏受書復書禮賓使者復命並  
同納采之儀

禮如納采但不告廟使者致辭改采為幣從者以  
書幣進使者以書授主人主人對曰吾子順先典  
貺某重禮某不敢辭敢不承命乃授書執事者受  
幣主人再拜使者避之復進請命主人授以復書  
餘並同

楊氏復曰。昏禮有納采。問名。納吉。納徵。請期。親  
迎六禮。家禮畧去問名。納吉。止用納采。納幣。以



從簡便。但親迎以前更有請期一節。有不可得而畧者。今以例推之。請期具書遣使如女氏。女氏受書復書禮賓使者。復命並同納采之儀。使者致辭曰。吾子有賜命。某既申受命矣。使某也。請吉曰。主人曰。某既前受命矣。惟命是聽。賓曰。某命某聽命於吾子。主人曰。某固惟命是聽。賓曰。某受命吾子不許。某敢不告期。曰。某日。主人曰。某敢不謹須。餘並同。

### 親迎

朱子曰。親迎之禮。恐從伊川之說。為是近則迎於其國。遠則迎於其館。○今妻家遠。要行禮。一則令妻家就近處設一處。却就彼往迎。歸館行禮。一則妻家出至一處。壻即就彼迎。歸至家成禮。○有問昏禮。今有士人對俗人結婚。士人欲行昏禮。而彼家不從。如何。曰。這也只得宛轉使人去與他商量。但古禮也省徑。人何故不行。

前期一日。女氏使人張陳其壻之室。



駟會如今三馬人  
也會馬市人曰  
駟牙會合市人  
也市者曰會又  
會會兩家買  
貨貨殖傳註會  
也今二家交易  
也駟音也

世俗謂之鋪房然所張陳者但氈褥帳幔帷幙應  
用之物其衣服鎖之篋笥不必陳也○司馬溫公  
曰文中子曰昏娶而論財夷虜之道也夫昏姻者  
所以合二姓之好上以事宗廟下以繼後世也今  
世俗之貪鄙者將娶婦先問資裝之厚薄將嫁女  
先問聘財之多少至於立契約云某物若干某物  
若干以求售其女者亦有既嫁而復欺給負約者  
是乃駟會賣婢鬻奴之法豈得謂之士大夫昏姻  
哉其舅姑既被欺給則殘虐其婦以摠其忿由是  
愛其女者務厚其資裝以悅其舅姑者殊不知彼



貪鄙之人不可盈厭資裝既竭則安用汝女哉於  
是質其女以責貸於女氏貨有盡而責無窮故昏  
姻之家往往終為仇讎矣是以世俗生男則喜生  
女則戚至有不舉其女者用此故也然則議昏姻  
有及於財者皆勿與為昏姻可也

殿明堦家設位于室中

設倚卓子兩位東西相向蔬果盤盞七節如賓客  
之禮酒壺在東位之後又以卓子置合卺一於其  
南又南北設二盥盆勺於室東隅又設酒壺盞注  
於室外或別室以飲從者○卺音謹以小匏一判

也色儀祀曰破  
也註太有之需  
用太有之需而  
婦之姑也



而兩之

女家設次于外

初昏壻盛服

世俗新壻帶花勝擁蔽其面殊失丈夫之容體

用可也

朱子曰。昏禮用命服。乃是古禮。如士乘墨車而執鴈。皆大夫之禮也。冠帶只是燕服。非所以重正昏禮。不若從古之為正。○黃氏瑞節曰。士昏禮謂之攝盛。蓋以士而服大夫之服。乘大夫之車。則當執大夫之贄也。

主人告于祠堂

如納采儀祝版前同但云某之子某若某親之子



某將以今日親迎子某官某郡某氏不勝感愴謹

以後同○若宗子自昏則自告

朱子曰儀禮雖無娶妻告廟之文而左傳曰圍布几筵告於莊共之廟是古人亦有告廟之禮問今婦人入門即廟見蓋舉世行之近見鄉里諸賢類信左氏先配後祖之說豈後世紛紛之言不廷據莫若從古為正否曰在氏固難盡信然其後說親迎處亦有布几筵告廟而來之說恐所謂後祖者譏其失此禮耳

遂醺其子而命之迎

先以卓子設酒注盤盞於堂上主人盛服坐於堂

之東序西向設壻席於其西北南向壻升自西階

立於席西南向贊者取盞斟酒執之詣壻席前壻



再拜升席南向受盞跪祭酒興就席末跪啐酒興  
降席西授贊者盞又再拜進詣父坐前東向跪父  
命之曰往迎爾相承我宗事勉率以敬若則有常  
壻曰諾惟恐不堪不敢忘命俛伏興出非宗子之  
子則宗子告于祠堂而其父醺于私室如儀但改  
宗事為家事○若宗子已孤而自昏則不用此禮

司馬溫公曰贊者兩家各擇親戚婦人習於  
禮者為之凡壻及婦人行禮皆贊者和導之

壻出乘馬

以燭前導

至女家俟于次

余



壻下馬于大門外入俟于次

女家主人告于祠堂

如納采儀祝版前同但云某之第幾女若某親某  
之第幾女將以今日歸于某官某郡姓名不勝感  
愴謹以後同

遂醺其女而命之

女盛飾姆相之立於室外南向父坐東序西向母  
坐西序東向設女席於母之東北南向贊者醺以  
酒如壻禮姆導女出於母左父起命之曰敬之戒  
之夙夜無違舅姑之命母送至西階上爲之整冠



歛帔命之曰勉之敬之夙夜無違爾閨門之禮諸  
母姑嫂姊送至于中門之內爲之整裙衫申以父  
母之命曰謹聽爾父母之言夙夜無愆非宗子之  
女則宗子告于祠堂而其父醮於私室如儀  
主人出迎壻入奠鴈

主人迎壻于門外揖讓以入壻執鴈以從至于廳  
事主人升自阼階立西向壻升自西階北向跪置  
鴈於地主人侍者受之壻俛伏興再拜主人不答  
拜若族人之女則其父從主人出迎立於其右尊  
則少進卑則少退○凡贄用生鴈左首以生色繒



交絡之無則刻木為之取其順陰陽往來之義程  
子曰取其不再偶也

問主人揖婿入。婿北面而拜。主人不答拜。何也。朱子曰。乃為奠鴈而拜。主人自不應答拜。

姆奉女出登車

姆奉女出中門。婿揖之降自西階。主人不降。婿遂

出。女從之。婿舉轎簾以俟。姆辭曰。未教。不足與為

禮也。女乃登車。

婿乘馬先婦車。

婦車亦以二燭前導。

司馬溫公曰。男率女。女從男。夫婦剛柔之義自此始也。



朱子曰婦人與男  
子為親皆使拜  
婦人先二拜夫  
一拜婦又二拜  
又各一拜  
男拜尚左手女  
拜右手註尚左  
尚右以陰陽  
之別

至其家導婦以入

壻至家立于廳事俟婦下車揖之導以入

壻婦交拜

婦從者布壻席於東方壻從者布婦席於西方壻

盥于南婦從者沃之進悅婦盥于北壻從者沃之

進悅壻揖婦就席婦拜壻答拜

司馬溫公曰從者皆以其家女僕為之女從者沃壻盥於南壻從者沃女盥於北夫婦始接情

有廉恥從者交道其志○女子與丈夫交禮則俠音交拜男子以再拜為禮女子以四拜為禮

就坐飲食畢壻出



壻揖婦就坐壻東婦西從者斟酒設饌壻婦祭酒  
舉觥又斟酒壻揖婦舉飲不祭無觥又取盞分置  
壻婦之前斟酒壻揖婦舉飲不祭無觥壻出就他  
室姆與婦留室中徹饌置室外設席壻從者餞婦  
之餘婦從者餞壻之餘

司馬溫公曰。古者同宇之禮。壻在東。東面。婦在  
東西面。蓋古人尚右。故壻在西。尊之也。今人既  
尚左。且從俗。○劉氏璋曰。儀禮疏云。盞。謂牢醢  
以一能分為兩。謂之盞。壻之與婦。各執一片  
以醢。故云合盞而醢。○昏義曰。婦至。壻揖婦以  
入。共牢而食。合盞而醢。所以合體同尊卑。以親  
之也。

復入脫服燭出

醢者中漱也  
以酒曰一以水曰  
漱四聲身之酒  
也又也飲也



壻脫服婦從者受之婦脫服壻從者受之○司馬  
溫公曰古詩云結髮為夫婦言自少年束髮即為  
夫婦猶李廣言結髮與匈奴戰也今世俗昏姻乃  
有結髮之禮謬誤可笑勿用可也

主人禮賓

男賓於外廳女賓於中堂古禮明日饗從者今從

俗

司馬溫公曰不用樂註云會子問曰娶婦之家  
三日不舉樂思嗣親也今俗昏禮用樂殊為非

婦見舅姑



明日夙興婦見于舅姑

婦夙興盛服俟見舅姑坐於堂上東西相向各置

卓子於前家人男女少於舅姑者立於兩序如冠

禮之叙婦進立於阼階下北面拜舅升奠贊幣于

卓子上舅撫之侍者以入婦降又拜畢詣西階下

北面拜姑升奠贊幣姑舉以授侍者婦降又拜○

若非宗子之子而與宗子同居則先行此禮於舅

姑之私室與宗子不同居則如上儀

司馬溫公曰古者拜于堂上今拜于下恭也可從衆

舅姑禮之



如父母黜女之儀天

婦見于諸尊長呂

婦既行禮降自西階同居有尊於舅姑者則舅姑以婦見於其室如見舅姑之禮還拜諸尊長于兩序如冠禮無贅天小郎小姑皆相拜非宗子之子而與宗子同居則既受禮詣其堂上拜之如舅姑禮而還見于兩序其宗子及尊長不同居則廟見而後往天

若家婦則饋于舅姑天

是日食時婦家具盛饌酒壺婦從者設蔬果卓子

小郎夫之弟也始娶夫之妹也  
雅云夫之庶母



于堂上舅姑之前設盥盆于阼階東南悅架在東  
舅姑就坐婦盥升自西階洗盥斟酒置舅卓子上  
降俟舅飲畢又拜遂獻姑進酒姑受飲畢婦降拜  
遂執饌升薦于舅姑之前侍立姑後以俟卒食徹  
飯侍者徹饌分置別室婦就餽姑之餘婦從者餽  
舅之餘壻從者又餽婦之餘非宗子之子則於私  
室如儀

司馬溫公曰。士昏禮。婦盥饋。特豚合升側載。註。側載者。右胖載之。舅俎左胖載之。姑俎。今恐貧者不辨殺特。故但具盛饌而已。

舅姑饗之

天



如禮婦之儀禮畢舅姑先降自西階婦降自阼階

廟見人

三日主人以婦見于祠堂人

古者三月而廟見今以其太遠改用三日如子冠而見之儀但告辭曰子某之婦某氏敢見餘並同

壻見婦之父母人

明日壻往見婦之父母人

婦父迎送揖讓如客禮拜即跪而扶之入見婦母

婦母闔門左扉立于門內壻拜于門外皆有幣婦

父非宗子即先見宗子夫婦不用幣如上儀然後



見婦之父母

次見婦黨諸親

不用幣婦女相見如上儀

婦家禮壻如常儀

親迎之夕不當見婦母及諸親及設酒饌以婦求

見舅姑故也

程子曰昏禮不用樂幽陰之義此說非是昏禮豈是幽陰但古人重此大禮嚴肅其事不用樂也昏禮不賀人之序也此說却是婦質明而見舅姑成婦也三日而後宴樂禮畢也宴不以夜禮也○朱子曰人笄書只是自入些已意便做病司馬與伊川定婚禮都依儀禮只畧改一處便不是古人意司馬云親迎奠鴈見主昏者即出伊川却教拜了又入堂拜大男小女伊川非



是伊川云婦至次日。司馬却說婦入門。即拜影堂。司馬非是。蓋親迎不見妻父母者。婦未見舅姑也。入門不見舅姑者。未成婦也。今親迎用溫公入門以後用伊川。三月廟見。改為三日云。

家禮卷第三



羅葵  
江葵  
北葵  
家葵  
細葵

江界北金

怡悅：於父且乞在傍

月



走甚於且無  
我家貧無  
富家無標氣

美同如生其患障  
於步飲但人所共知  
一收自多已如

不其不  
玄古石  
何時春

用此者  
相與事已之也

日

月







